



UPA 2015/94  
26. marts 2015  
Aaja Chemnitz Larsen

**Kalaallit Nunaanni sulisilluni ajoqusersinnaanermut isumannaarineq pillugu inatsisip allannguuteqartinnissaa pillugu inatsisissatut siunnersuummik Namminersorlutik Oqartussat akuersissuteqarnissaat pillugu Inatsisartut aalajangiiffigisassaattut siunnersuut.**

(Inuussutissarsiornermut, Suliffeqarnermut, Niuernermit Nunanullu Allanut Naalakkersuisoq)

Nunatsinni sulisilluni ajoqusersinnaanermut isumannaarineq pillugu inatsimmut allannguutissatut saqqummiussamut qujavugut. Innuttaasunut maalaaruteqarsinnaanermut periarfissaatinneqartup annikillisarneqannginnissaa piffissaliussallu minnerpaamik ullumikkut atatinneqarnissaa Inuit Ataqatigiinni isumaqatigaarput, taamaalilluni piffissaatitaasoq nangittumik sapaatit akunnerinik arfinilinnik sivisussuseqassasoq akuersaarparput. Naak akunnitsinni attaveqaatit pitsanngorsimagaluartut tamanut atuutinnigillat. Tamannalu piviusunngortinneqassanngippat nunatsinni inuiaqatigiinnik innuttaasunillu sullissinerup pitsanngorsarnissaanut siunnersuut saqqummiunneqartoq naalakkersuinikkut siunniissanut akerliuinnassaaq.

Tupigisuutigalu maluginiarsimavarput siunnersuut ullumikkut saqqummiunneqartoq 1. oktober 2013 killigalu tusarniaaffigineqarsimasoq - tusarusulerparpullu tusarniaanerp Inatsisartuni pineqartumik suliarinninnerup tungaanut ukiup aappaata affaata miss. ingerlasimaneq pissusissamisoornersoq - tusarniaanerimmi tamatigut piffissami piffiusumi ingerlanneqartussaammata.

Saniatigut iluaralugu maluginiarparput Sulisilluni ajoqusernermut Aqutsisoqarfik oqaatsit pillugit maleruagassanik atuutsitsisinera, tamannalumi innuttaasunut iluaqutissatut isigisariaqarpoq. Taamatutaaq sullissinermut piffissaq atugaq sivikillineqarsimammat innuttaasunillu kiffartuussinerup pitsanngorsarneqarsimammat nuannaarutissaavcoq. Tamatut oqaaseqarluta siunnersuutigineqartoq aappassaaneernissaanut ingerlateqqipparput.